

赤水玄珠

卷八

赤水玄珠氣門第九卷目錄

氣

九氣見症

血

嘔吐血

咳血

咯血唾血痰涎血

鼻血舌衄

齒衄

肌衄

小便血

下血

九竅出血

中蠱下血

金瘡出血

赤水玄珠第九卷

新安生生子孫一奎著輯

氣門

內經曰百病皆生于氣氣一也因所觸而爲九怒喜悲恐
寒熱驚思勞也故怒則氣上喜則氣緩悲則氣消恐則氣
下寒則氣收炆則氣泄驚則氣亂思則氣結勞則氣耗

九氣見症

怒氣所至爲嘔血爲飧泄爲煎厥爲薄厥爲陽厥爲胃滿
脇痛食則氣逆而不下爲喘渴煩心爲消痺爲肥氣爲目
暴盲耳暴閉筋縱發於外爲

腫癰

喜氣所至爲笑不休爲毛革焦爲肉病爲陽氣所收甚則

爲狂

悲氣所至爲陰縮爲筋攣爲肌痺爲脉痿男爲數洩血女
爲血崩爲酸鼻辛頰爲目昏爲少氣不能報息爲泣則臂麻
恐氣所至爲破胭脫肉爲骨痠痿厥爲暴下綠水爲面熱
膚急爲陰痿爲懼而脫頤

驚氣所至爲潮涎爲目眵爲口吐爲痴癇爲不省人事爲
僵仆久則爲痛痺痺音裙
痺也

勞氣所至爲噎病爲喘促爲嗽血爲腰痛骨痿爲肺鳴爲
高骨壞爲陰痿爲唾血爲冥視爲耳閉男爲少精女爲不
月

思氣所至爲不眠爲嗜卧爲昏目爲中痞三焦閉塞爲咽

喘不利爲痺疸嘔苦爲筋痿爲白淫爲不嗜食

寒氣所至爲上下所出水液澄澈清冷

炁氣所至爲喘嘔吐酸暴注下迫

凡此九氣內經以五行相勝之理治之故悲可以治怒
以愴惻苦楚之言感之喜可以治悲以譴浪褻狎之言
娛之恐可以治喜以遽迫死亡之言怖之怒可以治思
以汚辱欺罔之言觸之思可以治恐以慮彼忘此之言
奪之五者之外炁可以治寒寒可以治炁逸可以治勞
習可以治驚要在審証察脉而施治之不可執一也
脉沉實者宜下絃急者宜溫虛細微弱者宜補痛在上者
宜散痛在下者宜利氣虛者宜鎮墜氣結者宜踈順

夫治氣之法惟在適中氣積於中固宜踈順踈導過劑則又反耗元氣元氣走泄則下虛中滿之証生焉故曰踈啟於中峻補於下中滿既除下虛斯實此之謂也

治有餘之症脉沉實而中滿大便秘按之疼則宜下法當用大黃然亦須入桂皮以辛溫和其氣以苦寒泄其實氣得泄越痛亦隨愈

凡用利藥其法有三駛利則用大黃芒硝溫利則用硫黃乳粉瀉積則用巴豆礪砂他如磨積化結聚則以三稜蓬朮爲先導引閉塞則以木香檳榔先使溫散凝滯則以姜桂爲主踈順暴戾則以蘇橘爲宜補虛益氣則以人參白朮爲君墜下輔陽者以黑錫養正爲鎮

生生子曰治氣之劑東垣有法可準如枳壳利肺氣多服損胸中至高之氣青皮瀉肝氣多服損真氣木香行中下焦氣香附快滯氣陳皮泄逆氣紫蘇散表氣厚朴瀉胃氣檳榔瀉至高之氣藿香馨香上行胃氣沉香升降真氣腦麝散真氣若此之類氣實所宜設認冷生氣而槩以燥熱投之是以火濟火病曰益甚丹溪曰氣有餘卽是火乃戒好用溫熱治氣者之悞也

原病式曰氣爲陽而主輕微諸所動亂勞傷乃爲陽火之化子和河間治喜怒哀悲恐思之証皆以平心火爲主至於勞者傷於動動便屬陽驚者駭於心心便屬火故治皆以平心火爲主深中病情又曰五志過極皆爲火也

若用香辛散氣燥熱傷氣真氣耗散濁氣上騰猶曰腎
虛弗能攝氣歸原遂用降氣鎮墜之劑不悟肺受火炎
子氣亦弱降令不行火無所制丹溪有曰上升之氣自
肝而出中挾相火其熱爲甚自覺其冷非真冷也火極
似水積熱之甚陽亢陰微故有此症認假作真似是之
禍可勝言哉又曰氣無補法俗論也痞悶壅塞似難於
補不思正氣虛者由七情勞傷所至脾土受傷轉輸失
職胃雖受穀不能運化故陽升陰降而成天地不交之
否清濁相混若不補養邪何由行

脉法

下手脉沉便知是氣極沉則伏瀋弱難愈其或沉滑氣

兼痰飲滑者血多少氣濇者少血多氣大者氣血俱多
脉來大而堅者血氣俱實小者血氣俱少

七氣湯 治七情之氣鬱結心腹絞痛

人參

炙甘草

肉桂

各一錢五分

半夏

一錢

姜三片水煎服

指迷七氣湯 治同上

香附

二錢

青皮

陳皮

桔梗

蓬朮

官桂

益智仁

藿香

半夏

甘草

炙

各等分姜三片枣二枚水煎服

縮砂香附湯

調中快氣治心腹刺痛

香附

炒十兩

烏藥

五兩

炙甘草

二兩

砂仁

一二兩

右爲末每服一錢紫蘇葉三片鹽少許沸湯調下

大便秘陳皮湯下 一方去烏藥加沉香五錢

大七氣湯 治喜怒不節致臟氣不平心腹脹滿

半夏

茯苓

各四錢

厚朴

三錢

紫蘇

二錢

加姜水煎服

木香流氣飲

諸氣痞塞不通胸膈膨脹面目虛浮四肢

腫滿

半夏

厚朴

青皮

紫蘇

香附

甘草

各一錢

錢

陳皮

二錢

桂

莪朮

丁皮

大腹皮

麥門冬

檳榔

木香

草果

各六分

木通

八分

藿香

白芷

四分

茯苓

白朮

木瓜

人參

石菖蒲

加姜棗水煎服

秘傳降氣湯

上盛下衰氣不升降頭目昏眩痰實嘔逆

胸膈不快怒則氣上驚則氣亂尤宜

骨碎補 訶子 草果 五加皮 半夏 各五分 桔梗 五分

桑白皮 地骨皮 枳壳 陳皮 甘草 各一錢 水煎服

升陽順氣湯 七情所傷及勞役飲食不節滿悶短氣恐

則氣下者尤宜

升麻 紫胡 陳皮 各一錢五分 半夏 人參 各三錢 黃芪 四錢

甘草 黃栢 各五分 川歸 一錢 神曲 炒五分 草荳仁 二錢

每服五六錢姜三片水煎服

蘇子降氣湯 治中脘不快心腹脹滿噎塞喘促咳嗽痰

涎宿食留飲脇下支結及腳氣冲心 方在痰飲門

分心氣飲 憂思留滯致使心胸痞悶脇肋脹滿噎氣吞

酸頭目昏眩日漸瘦弱或大腸虛秘

紫蘇

莖葉四兩

姜活

半夏

肉桂

青皮

陳皮

桑白

皮

大腹皮

木通

芍藥

炙甘草

赤茯苓

各一兩

每服五六錢姜三片棗二枚燈心十根水煎服

四磨湯

治七情傷感上氣喘息妨悶不食

方在喘門

推氣丸

治三焦痞塞大便澁小便赤黃

方在脹滿門

神保丸

治諸氣刺痛流入背脊及脇下諸藥不效者

方在脹滿門

檳榔木香丸

疎導三焦破痰飲快氣消食

木香

檳榔

枳壳

杏仁

去皮麩炒

青皮

各一兩

半夏曲

皂角去白酥炙 郁李仁去皮各二兩

各爲末以皂角四兩用漿水一碗槎揉成膏更入

熟蜜少許和丸如梧桐子大每服五十九丸姜湯送下

九氣丸 治九氣膈氣風氣寒氣熱氣憂氣喜氣驚氣怒

氣瘴氣積氣聚堅牢如杯心腹疼痛時作時止

姜黃 甘草 香附

爲末每服一錢入鹽少許百沸湯點空心服立効

賺氣散 治胸膈痞悶腹脇虛脹氣不宣通及傷寒兩脇

刺痛攻心

三稜 蓬朮煨各五錢 白朮三錢 枳壳一錢 木香五分

每服二錢加姜三片水一鍾半煎八分食前服用砂

糖少許壓下

分氣紫蘇飲

治心下脹滿脇疼氣塞嘔逆不止方在門

喘

勻氣散

胸膈脹滿宿冷不消心腹刺嘔吐

丁香

檀香

木香

白荳仁

各一兩

藿香

甘草

炙各八兩

砂仁

四兩

爲末每服二錢入鹽一字沸湯調服

復元通氣散

氣不宣通流利並閃挫腰脇氣痛

木香兩半

茴香

炒

川山甲

蛤粉炒二兩

延胡索

炒

白丑

炒

陳皮

甘草各兩

爲末每服二錢熱酒調服

一方加乳香沒藥

清膈丸

因濕熱氣滯

黃芩

黃連

炒各五錢

香附

一兩半

蒼朮

二兩

爲末取黃熟氈蔓去皮搗爛和九棗荳大每服三十五

桔梗枳壳湯 諸氣痞結滿悶

桔梗 枳壳各四錢 甘草炙一錢二分 生姜五片水煎服

升降六一湯

香附六兩炒 藿香一兩 爲末每服二錢白湯下

二聖散 諸氣痛

芫花醋煮乾五錢 延胡索炒一兩五錢 二味爲細末每服一錢

男子元臟氣痛葱酒調下 婦人血氣痛川歸酒下

小腸氣痛茴香湯下 諸氣痛薄荷湯下

勝金散 治男婦一切冷氣

烏藥酒浸微炒 茴香炒 青皮去白 良姜等分

右爲末每服二錢空心溫酒調下

婦人用姜煎童便調服

半夏湯 治上氣嘔吐不能下食

半夏 三錢 陳皮 白朮 甘草 炙 桂心 各五錢 人參 一兩

厚朴 二兩 每服五錢姜五片棗三枚水煎服

手拈散 一切氣痛

草果 延胡索 乳香 沒藥 五靈脂 酒拌炒

等分爲末每服二錢好酒調下 一方加良姜

一人病氣上冲口中出如烟霧耳內常鳴此衝脉逆上與

八物湯加炒黃連 二分 黃栢 三分 數劑而愈

蘇合香丸 和劑方 專能順氣化痰并治傳尸骨蒸癆瘵卒暴

心痛鬼魅瘴癘赤白下痢小兒驚搐等症

沉香 射香研 丁香 青木香 訶梨勒煨用皮 安息香

另爲未用無灰酒一升熬膏 香附子炒去毛 藁撥 白朮 白檀香

硃砂飛研 烏犀角各一兩 薰陸香另研 龍腦研 蘇合油入安息香膏內

右末研勻用安息膏并密丸梧子大空心溫水化下

四丸酒亦可